

23. marts 2014

UPA 2014/130
Karl Lyberth

Uunga siunnersuut: Sumiiffinni nunami aalajangersimasuni takornariartitsineranut akuersissuteqartarnissaq pillugu Inatsisartut inatsisaat nr. 19, 3. december 2012-imeersup allangortinnissaa pillugu Inatsisartut inatsisaat nr. xx, xx.xxx-imeersaq. (Inuussutissarsiornermut Aatsitassanullu Naalakkersuisoq)

Siullermeerinnineq:

Takornariartitsineranik inuussutissarsiorfiusumut akuersissutinik aalajangersaaveqartunik marlunnik inatsiseqarnissaq tulluartaunngimmat, aamma assigiinngitsutigut suliakkersuutaamat sumiiffinni nunami aalajangersimasuni takornariartitsineranut akuersissuteqartarnissaq pillugu Inatsisartut inatsisaat nr. 19, 3. december 2012-imeersumi § 1, imm. 2 atorunnaarsinneqassasoq siunnersuutigineqarpoq, taamatuttaaq ilanngullugu siunnersuutigineqarpoq sukisaarsaatigalugu aalisartunik aalisartitsineranut akuersissuteqartarneq pillugu Inatsisartut inatsisaat nr. 20, 22. november 2011-meersaq atorunnaarsinneqassasoq.

Siunnersuutigineqartoq kikkunnut tamanut, soorlu takornarissanik sullissisunut pisortallu allaffianni sulisunut, iluaqutaassamat Siumumit tamakkiisumik akuersaarparput, taamatullu isikkoqartillugu aappassaaneerineqarnissaanut ingerlatillugu.